

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

19.12.2018թ.

ք. Երևան

Հարկադիր կատարումն ապահովող ծառայության Երևան քաղաքի Շենգավիթ բաժնի հարկադիր կատարող Ա.Ավագյանս ուսեմնասիրելով 19.12.2018թ. վերսկսված թիվ 04136832 կատարողական վարույթի նյութերը

Պ Ա Ր Զ Ե Ց Ի

Երևան քաղաքի Շենգավիթ վարչական շրջանի ընդհանուր իրավասության դատարանի կողմից 23.03.2018թ. տրված թիվ ԵՇԴ/2189/02/17 կատարողական թերթի համաձայն պետք է՝ Հովհաննես Արամի Աբրահամյանից հոգուտ «Անելիք Բանկ» ՓԲ ընկերության բռնագանձել 9.251.290 /ինը միլիոն երկու հարյուր հիսունմեկ հազար երկու հարյուր իննսուն/ դրամ, որից 6.935.000 /վեց միլիոն ինը հարյուր երեսունհինգ հազար/ դրամը որպես վարկի մնացորդ, 2.316.290 /երկու միլիոն երեք հարյուր տասնվեց հազար երկու հարյուր իննսուն/ դրամը որպես տույժ, 189.300 /հարյուր ութսունինը հազար երեք հարյուր/ դրամ վճարված պետտուրքը, ինչպես նաև վարկային պայմանագրի 1.3 և 2.5 կետերով նախատեսված 16.05.2017թ.-ից սկսած մինչև պարտավորության փաստացի կատարման օրը վարկի մնացորդի նկատմամբ տարեկան 22% դրույքաչափով հաշվարկվող տոկոսները, մինչև ժամկետանց գումարների և տոկոսագումարների փաստացի վճարման օրը օրական 0,2% դրույքաչափով հաշվարկվող տուժանքը, բռնագանձումը տարածելով 31.10.2016թ.-ին կնքված հա. 1ԲՈ1263 <<Ոսկի Ստանդարտ>> պայմաններով վարկավորման և ոսկյա իրերի գրավի պայմանագրով գրավադրված ոսկյա իրերի վրա:

Պարտապանից պետք է բռնագանձել նաև բռնագանձման ենթական գումարի հինգ տոկոսի չափով գումար, որպես կատարողական գործողությունների կատարման ծախս:

Իրականացված կատարողական գործողությունների ընթացքում գրավի առարկան ոսկերիչ-փորձագետի կողմից գնահատվել է 6.488.740 ՀՀ դրամ:

Պարտապանին պատկանող այլ գույք կամ եկամուտներ չեն հայտնաբերվել:

18.10.2018թ.-ին պահանջատիրոջը և պարտապանին առաջարկվել է նրանցից որևէ մեկի նախաձեռնությամբ 60-օրյա ժամկետում սնանկության հայց ներկայացնել դատարան և 18.10.2018թ.-ին թիվ 04136832 կատարողական վարույթը կասեցվել է <<Սնանկության մասին>> ՀՀ օրենքի 6-րդ հոդվածի 2-րդ մասով, <<Դատական ակտերի հարկադիր կատարման մասին>> ՀՀ օրենքի 28-րդ հոդվածով և 37-րդ հոդվածի 1-ին մասի 8-րդ կետով:

Պահանջատիրոջ և պարտապանին առաջարկված 60 օրյա ժամկետը լրացել է, և սնանկության վերաբերյալ հարկադիր կատարումն ապահովող ծառայություն հայցադիմումի օրինակ չի ներկայացվել:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով

Ո Ր Ո Շ Ե Ց Ի

Գրավի առարկա հանդիսացող ներքոհիշյալ գույքը

h/h	լուտի անվանումը նկարագիրը	գույքի քանակը	գնահատման գինը	մեկնարկային գինը
1	Ոսկյա մատանի՝ 900 հարգ, 9.8 գրամ	1 հատ	177.380 դրամ	133.035 դրամ
2	Ոսկյա մատանի՝ 583 հարգ, 8 գրամ	1 հատ	94.400 դրամ	70.800 դրամ
3	Ոսկյա կախազարդ՝ 583 հարգ, 19.2 գրամ	1 հատ	226.560 դրամ	169.920 դրամ
4	Ոսկյա կախազարդ /կլոր/՝ 750 հարգ, 18.7	1 հատ	282.370 դրամ	211.777 դրամ

	գրամ			
5	Ոսկյա կախազարդ՝ 750 հարգ, 7.5 գրամ	1 հատ	113.250 դրամ	84.937 դրամ
6	Ոսկյա խաչ՝ 750 հարգ, 30.8 գրամ	1 հատ	465.080 դրամ	348.810 դրամ
7	Ոսկյա վզնոց՝ 750 հարգ, 31.7 գրամ	1 հատ	478.670 դրամ	359.002 դրամ
8	Ոսկյա շղթա՝ 750 հարգ, 91.6 գրամ	1 հատ	1.383.160 դրամ	1.037.370 դրամ
9	Ոսկյա շղթա՝ 750 հարգ, 63.3 գրամ	1 հատ	955.830 դրամ	716.872 դրամ
10	Ոսկյա շղթա՝ 583 հարգ, 29 գրամ	1 հատ	342.200 դրամ	256.650 դրամ
11	Ոսկյա շղթա՝ 583 հարգ, 43 գրամ	1 հատ	507.400 դրամ	380.550 դրամ
12	Ոսկյա շղթա՝ 583 հարգ, 39.5 գրամ	1 հատ	466.100 դրամ	349.575 դրամ
13	Ոսկյա շղթա՝ 560 հարգ, 76 գրամ	1 հատ	851.200 դրամ	638.400 դրամ
14	Ոսկյա թևնոց՝ 583 հարգ, 8 գրամ	1 հատ	94.400 դրամ	70.800 դրամ
15	Ոսկյա թևնոց՝ 583 հարգ, 4.3 գրամ	1 հատ	50.740 դրամ	38.055 դրամ

Ներկայացնել հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ harkadir.ajurd.am միջոցով:

Հարկադիր էլեկտրոնային աճուրդի սկիզբը՝ 08.02.2019թ.:

Որոշման պատճենը ուղարկել կողմերին

Որոշումը կարող է բողոքարկվել ՀՀ Վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28-հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

ՀԱՐԿԱԴԻՐ ԿԱՏԱՐՈՂ

ԱՐԴԱՐԱԴԱՏՈՒԹՅԱՆ ԿԱԴԻՏԱՆ՝

Ա. ԱՎԱԳՅԱՆ

Ծ Ա Ն Ո Թ ՈՒ Թ Յ ՈՒ Ն Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գեներվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լոտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել Հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լոտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո: